

**II. ATALA**  
**BIZKAIKO LURRALDE HISTORIKOKO TOKI ADMINISTRAZIOA****Basauriko Udala****2018ko ekitaldiko lan-eskaintza publikoa**

Alkateak 1720/2018 Dekretua onetsi du, 2018ko maiatzaren 14an. Honelaxe dio bertako testuak:

*Lehenengoa:* Plantillan emandako aldaketak ikusita, udal arloetako ordezkarietzek proposatutako langile-premiak aztertuta, eta negozioazio kolektiboaren ostean, Udalaren 2018rako lan-eskaintza publikoa onesten da, Erabaki honen eranskinean ezarritakoaren arabera. Hala egiten da, Enplegatu Publikoaren Oinarrizko Estatutuaren Testu Bategina onartzen duen urriaren 30eko 5/2015 Errege Dekretu Legegilearen 70. artikuluan, eta Euskal Funtzio Publikoaren uztailaren 6ko 6/89 Legearen 22. artikuluan ezarrita dagoenaren arabera. Bestalde, artikulurik horiek biek dioten bezalaxe, enplegu publikorako eskaintza egingo da aurrekontuan diru-kopurua esleitua duten giza baliabideen premiak langile berriekin betetzeko.

*Bigarrena:* Lan-eskaintza publikoa bat dator 2017ko Estatuko Aurrekontu Orokorrak arautzen dituen 3/2017 Legearen 19. artikulurekin, langile berrien kopuruak ez duelako gaindituko Udaltzaingoa ordeztu beharreko langile-tasaren %100, eta gainerako arloetako langile-tasaren %50.

*Hirugarrena:* Eranskinean jasotakoak izango dira aipatutako lan-eskaintza publikoan aurreikusitako plazei dagozkien hizkuntza eskakizunak. Hala egingo da, Euskal Funtzio Publikoari buruzko uztailaren 6ko 6/89 Legearen V. Tituluan (hizkuntza normalizazioari buruzkoa) adierazitakoa betetzeko, eta apirilaren 15eko 86/97 Dekretuan xedatutakoarekin bat etorrita (horrek arautzen du euskararen erabilera Euskal Autonomia Erkidegoko Herri Administrazioetan). Halaxe izango da, bestalde, lan-eskaintza publikoari dagokion deialdia plazak betetzeko den arren, ez lanpostu zuzenak betetzeko —lanpostuei dagozkien hizkuntza eskakizunak Udalaren indarreko lanpostuen zerrendan finkatuta daude, eta bat datoz Eusko Jaurlaritzako organo eskudunek bere garaian egindako txostenekin—.

Derrigorrezko eskakizuna ezarrita daukaten plazetan (dagozkion deialdian zehaztuko da bakoitzaren hizkuntza eskakizuna), nahitaezkoa izango da dagozkion hizkuntza eskakizuna izatea plaza eskuratzeko. Kasu horietan, hizkuntza eskakizuna egiaztatuta behar da oinarrietan zehaztutako moduan.

Gainerako plazetan, berriz, euskararen ezagutza merezimendu gisa balioetsiko da, eta ehuneko bat esleituko zaio. Hautaketa-prozesuan lor daitekeen gehieneko puntu-kopuru osoa kontuan hartuta, euskararen ezagutzagatik merezimenduak ezingo du, inolaz ere, %5 baino txikiagoa edota %20 baino handiagoa izan, honako eskala honen arabera:

- 1. eta 2. hizkuntza eskakizunak: %5-%10.
- 3. eta 4. hizkuntza eskakizunak: %11-%20.

Horrela, bada, ikusita Giza Baliabideen atalburuak 2018ko apirilaren 27an egindako txostenak, eta apirilaren 2ko 7/1985 Legearen 21. artikuluan jasotako eskumenak baliatuta, Alkatetza honek zera

**XEDATZEN DU:**

*Lehenengoa:* 2018ko ekitaldiari dagokion lan-eskaintza publikoa onestea.

*Bigarrena:* Ebazpen hau Bizkaiko Aldizkari Ofizialean eta Euskal Herriko Agintaritzaren Aldizkarian agintara dadila agintzea.

Basaurin, 2018ko maiatzaren 14an.—Alkatea, Andoni Busquet Elorrieta

**ERANSKINA****2018KO EKITALDIKO LAN-ESKAINZA PUBLIKOA****SARBIDE LIBREKO SISTEMA**

Taldea (7/07 Legearen art.-aren arabera)	Sailkapena	Plazaren deskribapena	Plaza kop.	HE
C2	Adm. Bereziko Eskala. Zerbitzu Berezien Azpieskala: Klasea: Udaltzaina.	Udaltzaina	1	2
C1	Adm. Orokorreko Eskala. Administrarien Azpieskala: Klasea: Administraria.	Teknikari Administraria	3	2

**BARNE-SUSTAPENeko TXANDA**

Taldea (7/07 Legearen art.-aren arabera)	Sailkapena	Plazaren deskribapena	Plaza kop.	HE
A (A1)	Adm. Bereziko Eskala. Azpieskala Teknikoa: Klasea: Goi-mailako teknikaria.	Inf. Tekn.-en eta Haz-en ataleko alboko Teknikaria	1	3
C (C1)	Adm. Bereziko Eskala. Zerbitzu Berezien Azpieskala: Klasea: Udaltzaina.	Lehen Mailako Udaltzaina	1	2

Deialdi bakoitzean zehaztuko dira eskainitako plazak lortzeko prozedura eta baldintzak.